

Izveštaj o radu Uprave policije MUP-a Kantona Sarajevo za mjesec januar 2019. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu januaru 2019. godine, na području Kantona Sarajevo registrovano je 312 krivičnih djela što je za 75 djela ili 19,4% manje u odnosu na isti mjesec prethodne godine.

Od ukupnog broja registrovanih krivičnih djela, 154 ili 49,4% izvršeno je od strane poznatih, a 158 ili 50,6% od strane nepoznatih izvršilaca.

Za 50 djela ili 31,6% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 40 krivičnih djela iz izvještajnog, a deset iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 204 krivična djela ili 65,4%, identifikovali osumnjičene izvršioce, isto kao u januaru prethodne godine.

OSNOVNI STATISTIČKI POKAZATELJI KRIMINALITETA U MJESECU JANUARU 2019/18. GODINE

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
JANUAR 2019.	312	154	158	50	10	206	7	123	99	
JANUAR 2018.	387	181	206	72	34	226	10	100	104	
<i>uporedba</i>	+/-	-75	-27	-48	-22	-24	-20	-3	23	-5
	%	-19,4%	-14,9%	-23,3%	-30,6%	-70,6%	-8,8%	-30%	23%	-4,8%

Zbog postojanja osnova sumnje da su počinili krivična djela prijavljeno je 206 lica (20 manje), od čega su 123 povratnika (23 više) u izvršenju krivičnih djela (ili 59,7%), sedam maloljetnika (tri manje), a 99 lica je lišeno slobode (pet manje).

PREGLED KRIMINALITETA NA PODRUČJU KANTONA SARAJEVO U MJESECU JANUARU 2019/18. GODINE
POSMATRANO PO GLAVAMA KZFBiH-a

KRIVIČNA DJELA	JANUAR 2019.	JANUAR 2018.	uporedba br.KD		„rasvijetljenost“ JANUAR 2019.g.	
			+ / -	%	br. KD	%
Protiv života i tijela	16	15	+1	6,7%	15	93,8%
Protiv slobode i prava čovjeka i građanina	10	17	-7	-41,2%	10	100%
Protiv spolne slobode i morala	1	2	-1	-50,0%	1	100%
Protiv braka, porodice i mladeži	25	20	+5	25,0%	25	100%
Protiv zdravlja ljudi	39	43	-4	-9,3%	39	100%
Protiv imovine	184	247	-63	-25,5%	78	42,4%
Protiv okoliša	0	1	-1	---	0	---
Protiv opće sigurnosti ljudi i imovine	9	6	+3	50%	9	100%
Protiv sigurnosti javnog prometa	6	10	-4	-40%	6	100%
Protiv pravosuđa	3	4	-1	-25%	3	100%
Protiv javnog reda i pravnog prometa	13	15	-2	-13,3%	12	92,3%
Protiv podmićivanja i kd protiv služb. i dr. odg.duž.	0	2	-2	---	0	---
Protiv privrede i jedinstva tržišta te KD iz oblasti carina (KZBiH)	1	0	+1	---	1	100%
ZONDINOIM-a (Sl.novine KS br.38/07)	5	5	0	isto	5	100%
UKUPNO	312	387	-75	-19,4%	204	65,4%

U mjesecu januaru 2019. godine u odnosu na isti mjesec prethodne, zabilježeno je smanjenje broja registrovanih krivičnih djela za 75 djela ili 19,4%. Smanjenje je zabilježeno u oblastima protiv imovine (za 63 djela), slobode i prava čovjeka i građanina (za sedam), zdravlja ljudi (za četiri), sigurnosti javnog prometa (za četiri), javnog reda i pravnog prometa (za dva), itd, dok je povećanje evidentirano u oblasti protiv braka, porodice i mladeži (za pet), opće sigurnosti ljudi i imovine (za tri djela), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca januara 2019. godine u ovoj oblasti evidentirano je 16 krivičnih djela (jedno više u odnosu na januar 2018. godine) i to: teška tjelesna ozljeda – šest (isti broj djela), lahka tjelesna ozljeda – devet (dva više) i učestvovanje u tuči - jedno djelo (nije bilo ovih djela).

Ukupno je rasvijetljeno 15 djela iz ove oblasti, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 18 lica, a šest je lišeno slobode. Za sada je nerasvijetljeno jedno djelo lakih tjelesnih ozljeda.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je deset krivičnih djela (sedam manje) - ugrožavanje sigurnosti, za čije izvršenje je prijavljeno deset lica. Krivična djela ugrožavanja sigurnosti počinjena su uglavnom upućivanjem verbalnih prijetnji ili pisanih poruka prijetećeg sadržaja.

KRIVIČNA DJELA PROTIV BRAKA, PORODICE I MLADEŽI

U mjesecu januaru evidentirano je 25 djela iz oblasti protiv braka, porodice i mladeži (pet više) i to: nasilje u porodici - 24 i oduzimanje djeteta ili maloljetnika - jedno djelo. Zbog postojanja osnova sumnje da su počinili ova djela prijavljeno je 27 lica, a 15 je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 39 krivičnih djela iz oblasti protiv zdravlja ljudi (četiri manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- neovlašćena proizvodnja i stavljanje u promet opojnih droga u saučiniteljstvu (čl. 238/31.KZFBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 34 djela.

Zbog postojanja osnova sumnje da su počinili navedena djela podneseni su službeni izvještaji protiv 43 lica , a 26 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv osam lica zbog postojanja osnova sumnje da su u proteklom periodu u više navrata kupovali opojnu drogu „Marihuana“, „Amfetamin“, itd. od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 35 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JANUARU 2019/18. GODINE

vrsta opojne droge	JANUAR 2019. godine	JANUAR 2018. godine
Marihuana (u gramima)	120.794	4.052
Marihuana (paketići)	14	12
Marihuana (JOINT - cigarete)	---	3
Heroin (paketići)	7	6
Kokain (paketići)	---	1
Amfetamin - (paketići)	2	3
Amfetamin - (u gramima)	342	27
Ecstasy (tablete)	34	2
pribor sa ostacima droge	5	5

KRIVIČNA DJELA PROTIV IMOVINE

U ovom mjesecu, registrovana su 184 krivična djela protiv imovine, što je za 63 djela manje u odnosu na isti mjesec prošle godine. Među djelima iz ove oblasti najbrojnije su: teške krađe – 94 djela (11 manje), zatim krađe – 21 (20 manje), razbojništvo – 45 (tri više), oštećenje tuđe stvari – 13 (pet manje), utaja - dva djela (jedno manje), itd.

Za ukupno 78 ovih djela ili 42,4% identifikovan je osumnjičeni izvršilac što je za 5% manja rasvijetljenost imovinskih delikata u odnosu na isti mjesec prethodne godine.

Prema objektu izvršenja teških krađa najbrojniji su: poslovni objekti - 30 puta (11 više), stambeni objekti - 28 (25 manje), motorna vozila (otuđenja pmv i “provale” u ista) - 25 (14 manje), itd.

Na području Kantona Sarajevo u mjesecu januaru 2019. godine izvršeno je 17 krivičnih djela teških krađa motornih vozila od čega je šest ili 35,3% pronađeno i vraćeno vlasnicima (Uprava policije MUP-a KS - četiri vozila, drugi MUP-ovi - jedno i vlasnici – jedno vozilo).

Zbog postojanja osnova sumnje da je učestvovao u otuđenju motornih vozila nadležnom tužilaštvu podnesen je službeni izvještaj protiv šest lica, povratnika u činjenju krivičnih djela (pet više).

Broj teških krađa motornih vozila u odnosu na uporedni mjesec, smanjen je za devet ili 34,6%.

Prijavljeno je 21 krivično djelo krađe (20 manje), koje su izvršene devet puta na ulici, pet puta u poslovnim prostorijama, tri u stambenim objektima, tri puta u vozilima i na stajalištima GRAS-a, itd. odakle su otuđivani novčanici, tehnička roba, auto dijelovi, željezni profili, itd.

Evidentirano je šest krivičnih djela teških krađa na naročito opasan ili naročito drzak način (jedno manje), u kojima su izvršiooci, upotrebom fizičke snage, otimali novac i mobitele. Ova djela izvršena su na ulici - četiri puta, u sportskoj kladionici i na tramvajskom stajalištu - po jednom.

Rasvjetljeno je pet ovih djela ili 83,3% što je za 40,4% više u odnosu na uporedni mjesec, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica, povratnika u činjenju krivičnih djela.

Registrovano je 45 krivična djela razbojništva (tri više), od čega je 15 djela ili 33,3% rasvjetljeno (što je za 4,8% manje u odnosu na uporedni mjesec).

Ova djela izvršena su prijetnjom upotrebe vatrenog oružja - 17 puta, prijetnjom upotrebe noža ili drugog oštrog predmeta - 22 i upotrebom fizičke snage - šest puta, a počinjena su u prodavnicama i drugim poslovnim prostorima - 14 puta, u sportskim kladionicama - 11, na ulici osam, u apotekama i na benzinskim pumpama - po pet i dva puta u stambenim objektima. Otuđivan je novac, mobiteli, lijekovi, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 16 lica, od kojih je 13 povratnika u činjenju krivičnih djela ili 81,2%, a 11 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je devet djela (tri više) i to: izazivanje opće opasnosti - osam i teška krivična djela protiv opće sigurnosti ljudi i imovine - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica, od kojih je osam povratnika u činjenju krivičnih djela ili 72,7%, a pet je lišeno slobode.

Krivična djela izazivanja opće opasnosti izvršena su šest puta na otvorenom prostoru i dva puta u stambenim objektima pri čemu je u šest slučajeva upotrijebljeno vatreno oružje i dva puta je otvorenim plamenom izazvan požar. Posljedica izvršenja navedenih djela je ranjavanje jednog lica, uznemirenost građana i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 13 krivičnih djela (dva manje u odnosu na uporedni mjesec) i to: nedozvoljeno držanje oružja ili eksplozivnih materija - pet djela, nasilničko ponašanje i krivotvorenje isprave - po četiri djela.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 15 lica, od kojih je devet povratnika ili 60%, a četiri su lišena slobode.

KRIVIČNA DJELA REGULISANA ZONDINOIM-om

U izvještajnom mjesecu evidentirano je pet djela (isti broj) regulisanih Zakonom o nabavljanju, držanju i nošenju oružja i municije za čije je izvršenje prijavljeno šest lica.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca januara 2019. godine, prijavljeno je sedam maloljetnih lica (tri ili 30% manje u odnosu na isti mjesec 2018. godine) zbog postojanja osnova sumnje da su izvršili četiri krivičnih djela (tri ili 42,8% manje).

Među prijavljenim maloljetnim izvršiocima, četiri su u dobi od 14 do 16 godina, tri u dobi od 16 do 18 godina, a jedan maloljetnik je povratnik u izvršenju krivičnih djela.

Struktura krivičnih djela izvršenih od strane maloljetnih lica u januaru 2019/2018. godine

KRIVIČNA DJELA	januar 2019.	januar 2018.	+ - %
Teška tjelesna ozljeda	1	2	-1
Lahka tjelesna ozljeda		1	-1
Ugrožavanje sigurnosti	1		+1
Silovanje		1	-1
Posjedovanje i omogućavanje uživanja opojnih droga		1	-1
Krađa	1		+1
Razbojništvo		1	-1
Utaja		1	-1
Nasilničko ponašanje	1		+1
UKUPNO	4	7	-3 ili 42,8%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca januara 2019. godine evidentiran je jedan slučaj aktiviranja minsko-eksplozivnih sredstava (u januaru 2018. godine dva), usljed čega je nastupila materijalna šteta.

U proteklom mjesecu nije bilo evidentiranih anonimnih dojava o postavljanju eksplozivnih naprava (jedna u januaru 2018. godine).

POŽARI

Tokom mjeseca januara 2019. godine, na području Kantona Sarajevo registrovano je 18 požara (isto kao u januaru prethodne godine), koji su za posljedicu imali materijalnu štetu.

Prema statističkim pokazateljima, 10 požara je izazvano namjerno, tri nehatom, tri zbog tehničkih nedostataka, dok uzroci dva požara spadaju u kategoriju ostalih.

Objekti registrovanih požara bili su:

- Saobraćajno sredstvo – 10 puta,
- Stambeni objekti – šest,
- Poslovni prostor – jednom
- Pomoćni objekat - jednom.

SAMOUBISTVA

U mjesecu januaru 2019. godine na području Kantona Sarajevo registrovana su dva samoubistva (isti broj), koja su izvršena upotrebom vatrenog oružja, a izvršioци su dva muškarca u dobi preko 50 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je: četiri pištolja, dvije puške, dvije ručne bombe, 1.789 petardi, dva komada „noževa, mačeva, sablji, bajoneta i sl.“ 286 komada municije raznog kalibra, itd.

Fizičkim licima izdato je 86 odobrenja za nabavku vatrenog oružja (18 više) i 111 oružnih listova (51 više).

JAVNI RED I MIR

U toku mjeseca januara 2019. godine u oblasti protiv javnog reda i mira registrovano je **269 prekršaja** (naloga - 223, zahtjeva za pokretanje prekršajnog postupka - 46), što u odnosu na mjesec januar 2018. godine predstavlja povećanje za 42 ili 18,5%. Za izvršenje navedenih prekršaja prijavljena su **293 lica** (48 ili 19,6% više).

Na prekršaje utvrđene Zakonom o prekršajima protiv javnog reda i mira odnosi se 242 prekršaja (ili 90%), a na prekršaje koji su utvrđeni Odlukom općinskih vijeća o javnom redu i miru 27 ili 10%.

Od ukupnog broja prijavljenih lica, 32 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su oni preko 36 godina (182), zatim između 26 i 35 godina (66), između 19 i 25 godina (42) i do 18 godina (tri).

Prilikom narušavanja javnog reda i mira u mjesecu januaru 2019. godine, nije bilo teže povrijeđenih lica (kao ni u istom mjesecu 2018. godine), sedam lica (tri više) lakše povrijeđeno.

Tabelarni pregled strukture prekršaja iz oblasti javnog reda i mira za januar 2019/2018. godine

PREKRŠAJI IZ ZAKONA O JRIM:	JANUAR 2019.	JANUAR 2018.	+ - %
<i>- Tuče</i>	29	25	+4 ili 16%
<i>-Naročito drsko ponašanje</i>	20	19	+1 ili 5,3%
<i>-Odbijanje naređenja i omalovaž. pol. služb.</i>	24	17	+7 ili 41,2%
<i>-Prosjačenje</i>	115	102	+13 ili 12,7%
<i>-Svađa, vika, nepristojno ponašanje</i>	10	3	+7 ili 233,3%
<i>-Paljenje petardi</i>	8	8	isti broj
<i>-Uživanje opojne droge na javnom mjestu</i>	0	1	-1
<i>-Ostali prekršaji iz Zakona o JRiM</i>	36	39	-3 ili 7,7%
Prekršaji prema Odluci općinskog vijeća o JRiM	27	13	+14 ili 107,7%
ukupno	269	227	+42 ili 18,5%

Prema vrsti prekršaja, najbrojniji su sljedeći prekršaji: prosjačenje (115 ili 42,7% od ukupnog broja), zatim tuče (29 ili 10,8%), odbijanje naređenja i omalovažavanje policijskih službenika (24 ili 8,9%), naročito drsko ponašanje (20 ili 7,4%). Znatno manje prekršaja izvršeno je svadom, vikom i nepristojnim ponašanjem (10), paljenjem petardi (osam), dok je ostalih prekršaja bilo 36, a 27 prekršaja odnosi se na prekršaje koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih uživanjem opojnih droga na javnom mjestu i ostalih prekršaja iz Zakona o JRiM, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (241 ili 89,6%), a znatno manje u ugostiteljskim objektima (11 ili 4,1%), sportskim terenima (jedan), a na ostalim mjestima 16 prekršaja.

U poređenju sa mjesecom januarom 2018. godine, smanjen je broj prekršaja evidentiranih u školama i školskim dvorištima i trgovinama i zanatskim radnjama, dok je na sportskim terenima, ulicama i drugim otvorenim prostorima i u ugostiteljskim objektima taj broj je povećan.

Na području Kantona Sarajevo u mjesecu januaru 2019. godine održanao je 98 javnih skupova (28 ili 22,2% manje u odnosu na januar 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 22 slučaja izvršeno je KDZ osiguranje.

SAOBRAĆAJ

Na području Kantona Sarajevo u mjesecu januaru 2019. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica.

Registrovane su 722 saobraćajne nezgode (82 ili 10,2 % manje u odnosu na januar prethodne godine), od čega je 670 sa materijalnom štetom (57 ili 7,8 manje) i 52 sa nastradalim licima (25 ili 32,5 % manje). U navedenim nezgodama povrijeđeno je 71 lice (24 ili 25,3 % manje), pet teže i 66 lakše.

Usporedni pokazatelji saobraćajnih nezgoda i posljedica na području Kantona Sarajevo za mjesec januar 2019./2018. godina

	jan. 2019.	jan. 2018.	+,-,%
UKUPNO SAOBRAĆAJNIH NEZGODA	722	804	-82 ili 10,2 %
Saobraćajne nezgode sa nastradalim licima	52	77	- 25 ili 32,5 %
Saobraćajne nezgode sa materijalnom štetom	670	727	- 57 ili 7,8 %
POGINULO LICA	0	0	-----
- vozači	0	0	-----
-putnici	0	0	-----
- pješaci	0	0	-----
POVRIJEĐENO LICA	71	95	- 24 ili 25,3 %
- vozači	38	46	- 8 ili 17,4 %
- putnici	22	33	- 11 ili 33,3 %
- pješaci	11	16	- 5 ili 31,2 %

U naselju je registrovano 668 saobraćajnih nezgoda (48 sa povrijeđenim licima i 620 sa materijalnom štetom), van naselja 54 nezgode (četiri sa povrijeđenim licima i 50 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO U MJESECU JANUARU 2019/18. GODINE

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		5	43	620	668		5	62
van naselja			4	50	54			4
UKUPNO		5	47	670	722		5	66

Evidentirano je 106 saobraćajnih nezgoda na raskrsnicama u naselju, 18 na raskrsnicama van naselja i 598 saobraćajnih nezgoda čije se karakteristike puta ubrajaju u kategoriju ostalih.

Prema kategoriji puta, najveći broj saobraćajnih nezgoda registrovan je:

- na ulicama u naselju – 581 nezgoda u kojoj je 51 lice povrijeđeno (pet teže, 46 lakše),
- na magistralnim putevima – 60 (15 lica lakše povrijeđeno),
- na lokalnim putevima – 39 (jedno lice lakše povrijeđeno),
- na regionalnim putevima – 24 (dva lica lakše povrijeđena),
- na putevima koji se ubrajaju u kategoriju ostalih – 18 saobraćajnih nezgoda (dva lica lakše povrijeđena).

POSLEDICE SAOBRAĆAJNIH NEZGODA

Tokom mjeseca januara 2019. godine, u saobraćajnim nezgodama na području Kantona Sarajevo povrijeđeno je ukupno 71 lice (24 ili 25,3 % manje), od čega pet teže (četiri manje) i 66 lakše (20 manje). Poginulih lica nije bilo (isto kao u januaru prošle godine).

UPOREDNI POKAZATELJI NASTRADALIH LICA JANUAR 2019/18. GODINE

učesnici u saobraćaju	Januar 2019. godine	Januar 2018. godine	uporedba	
			+/-	%
vozači	38	46	- 8	- 11,3%
putnici	22	33	- 11	- 33,3 %
pješaci	11	16	- 5	- 31,2 %
UKUPNO	71	95	- 24	- 25,3 %

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA ZA MJESEC JANUAR 2019/18. GODINE

mjesec	JANUAR 2019. GODINE			JANUAR 2018. . GODINE			UPOREDBA JANUAR 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	0	1	37	0	3	43	-----	- 2	- 6
PUTNICI	0	0	22	0	2	31	-----	- 2	- 9
PJEŠACI	0	4	7	0	4	12	-----	isto	- 5
UKUPNO	0	5	66	0	9	86	-----	- 4	- 20

STEPEN POVREDA UČESNIKA U SAOBRAĆAJNIM NEZGODAMA

- Vozači :
38 vozača povrijeđeno (jedan teže i 37 lakše)
- Putnici:
22 putnika su lakše povrijeđena
- Pješaci:
11 pješaka povrijeđeno (četiri teže i sedam lakše)

Starosna struktura nastradalih osoba u saobraćajnim nezgodama je slijedeća:

- Ispod šest godina – dva lica,
- od 18 do 30 godina - 27,
- od 31 do 40 godina – 11,
- od 41 do 50 godina – 10,
- od 51 do 65 godine – devet lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 11 lica,
- od 23 do 30 godina – devet,
- od 30 do 40 godina – devet,
- od 40 do 50 godina – četiri,
- od 50 do 60 godina – pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 554 (38 lica povrijeđeno, tri teže i 35 lakše),
- neprilagođena brzina – 158 (32 lica povrijeđena, dva teže i 30 lakše),
- uticaj alkohola – 10 nezgoda (jedno lice lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca januara 2019. godine, policijski službenici Uprave policije MUP-a Kantona Sarajevo kontrolisali su:

- 19.845 vozila (403 više),
- 4.779 lica u vozilima (4.119 manje),
- 217 vozila pregledali (60 više),
- 194 lica u tim vozilima (devet više).

Zbog tehničke neispravnosti iz saobraćaja su isključena 54 vozila (12 više), 232 vozača su zatečena da upravljaju vozilom pod dejstvom alkohola (14 manje), 296 bez korištenja sigurnosnog pojasa (45 više), 112 bez položenog vozačkog ispita (45 više), 40 pod izrečenom zaštitnom mjerom (14 manje), 332 vozača su zatečena da koriste mobitel tokom vožnje (98 više) i 654 vozila su učestvovala u saobraćaju bez važeće registracije (409 više).

Zbog kršenja propisa iz oblasti sigurnosti saobraćaja uručena su 17.784 prekršajna naloga vozačima (3.206 ili 22 % više u odnosu na januar prošle godine) i podneseno 35 zahtjeva za pokretanje prekršajnog postupka (šest ili 14,6 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca januara 2019. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.787 prekršajnih naloga (1.080 više), upozoreno je 255 vozača (224 manje), a specijalnim vozilom "pauk" premješteno je 412 vozila (274 manje). Takođe, pješacima koji su kršili propise uručena su 172 prekršajna naloga (isto), a upozoreno je 37 pješaka (76 manje).

ZAKONITOST U RADU

Tokom mjeseca januara 2019. godine, registrovan je jedan napad (četiri manje) na policijskog službenika Pete PU. Napad je izvršen od strane jednog lica koje je lišeno slobode.

Policijski službenici Uprave policije su tokom mjeseca januara 2019. godine u dva slučaja (četiri manje) opravdano upotrijebili silu:

- fizičku snagu i sredstva za vezivanje

Tokom mjeseca januara 2019. godine, razmatrano je 36 predavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 11 predavki provede unutrašnja istraga. Za 19 predavki je odlučeno da se izvrše provjere i prikupi dokumentacija, za tri da su neosnovane, u dva slučaja je određeno sudsko odlučivanje, dok je za jednu predavku odlučeno da se pripoji unutrašnjoj istrazi.

Od ukupno 36 razmatranih predavki, 25 je podneseno od strane građana, a 11 predavki predstavljaju saznanja iz službe.

Okončano je 13 unutrašnjih istraga, među kojima je šest bilo bez dovoljno dokaza, u četiri slučaja istrage su osnovane, dok su u tri slučaja istrage neosnovane.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom mjeseca januara ove godine nastavili sa preduzimanjem brojnih aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući redovne aktivnosti službenici policije su vršili obilaskе mjesnih zajednica, obrazovnih institucija, dječijih vrtića, zatim ostvarivali kontakte sa socijalnim radnicima, građanima, vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Između ostalog, preduzimane su sljedeće aktivnosti:

- Policijski službenici - "policajci u zajednici" su tokom mjeseca januara nastavili sa aktivnostima na prevenciji i sprečavanju upotrebe pirotehničkih sredstava;
- Realizovali su druženje sa djecom u okviru "7. Sarajevo Holiday market"-a, gdje je bilo prisutno 127 djece uzrasta do 10 godina, u okviru koje je obavljena podjela paketića,
- Prisustvovanje edukativnoj radionici na temu: "Prevencija iskorištavanja i zlostavljanja djece u digitalnom okruženju" u organizaciji Visokog sudskog i tužilačkog vijeća Bosne i Hercegovine, a u okviru "Projekta jačanja tužilačkih kapaciteta u sistemu krivičnog pravosuđa u BiH" uz podršku Vlade Švicarske.

Odjeljenje za odnose s javnoću

Sarajevo, 15.02.2019. godine